

Cos a bolbe tranca durante formacion di Gobierno

ORANJESTAD(AAN)E partidonan AVP y OLA parce cu no a haya otro despues di horanan largo di deliberacion durante e ultimo dianan. Aparentemente tin dos piedra di tranca: e cartera di Salubridad Publico, cu AVP ta desea pa Israel Posner, y e cartera di DOW cu OLA ta desea pa duna substancia na e Ministerio di Transporte y Comunicacion.

Manera cu DIARIO a pronostica, e asunto no ta bay ta facil. Awor cu e raport di ARA a sali, y despues di e

declaracion di Nel na television, bisando cu ta Henny y Watty a bay Hulanda pa exige Hulanda investiga e cuatro proyectonan na encargo di Ministro di Transporte y Comunicacion, e relacionnan a bira hopi mas frio.

Glenbert, di su parti, a duna un tremendo declaracion na medionan di comunicacion, demostrando cu e ta un politico cu ta sinti su mes bon para den su zapatonan. Sin ningun temor el a revela unda e problema ta sinti, o sea cu NIB (Nederlandse Invest-

ings Bank), cu no a keda contento cu Pain Webber a haya e proyecto pa financia, cu un interes hopi mas abao cu NIB a ofrece. Esaki ta masha faborabel pa Aruba, ya cu e diferencia di 3 por ciento di interes lo a bira un peso financiero mucho grandi pa Aruba carga.

Pa loke ta trata e programa di gobernacion, parce cu no tabata tin ningun problema relaciona cune. E dos partidonan a yega na un vision comun pa loke Gobernacion mester ta durante e proximo

cuatro añanan.

Loke si a para bira un problema grandi ta e reparticion di e carteranan. Ningun momento Lili a duna un señal cu e lo ta dispuesto di entrega e parti mas esencial di su cartera pa complace compromisonan politico di AVP cu un di su candidatonan. DIARIO tin entendi cu si AVP lo a ofrece Lili delibera tocante e cartera di Justicia, DOW y demas, lo por tabata tin mas chance cu Lili por a acepta papia riba e asunto, pero asina mes sin ningun garantia tam-

poco cu e lo ta dispuesto di entrega Salubridad Publico. Di su banda, AVP obviamente tin compromisonan cu Watty pa Justicia, DOW y demas, y no ta papia mes riba e carteranan aki.

Ultimo informacion cu DIARIO a logra ayera nochi lat, ta cu OLA convoca pa un reunion di partijraad pa delibera riba e combersacionnan cu AVP, cu parce ta mas tranca cu nunca.

Caso peligroso na Playa!

Diripiente algun "Metsla" a bira Scuba-Divers pa haci trabao den laman

ORANJESTAD (AAN): Recientemente denuncia a worde haci na algun instancia local na Aruba, relaciona cu e hecho cu algun trahador ta worde 'forza' pa eherce un labor cu originalmente nan no

"Viagra"

popular na

Aruba tambe

ORANJESTAD(AAN): Ultimo dianan por a tende di varios persona cu tin conociman cu ta biaha pa Merca, kendenan ta haci encargo pa procura pa bolbe cu Viagra pa nan.

Locual e personanan aki ta lubida ta cu mester di prescripcion medico pa por haya e remedi aki, y tur ta kere cu bo ta yega botica na Merca y busca e Viagra manera ta un producto di supermercado e ta.

Tambe a yega na conocimiento di DIARIO cu tin hasta hende muher cu a pidi pa busca Viagra pa nan mes. Locual ta algo completamente robez pa haci.

Fabricantenan di e pildora contra importancia a adverti contra uso inapropia di e droga y a pidi muhernan cu ta tuma cierto medicamento y patientnan pa abstene di su su uso.

compania Pfizercu ta traha e remedi aki hasta a publica pa muhernan no usa e droga aki pa nan desempeño sexual pasobra e no a ser proba pa muhernan tuma. Tin experimento si tumando lugar pero no tin resultado confiable y concluyente ainda.

tin experiencia pe.

Ta trata aki di un trabao di limpieza, cu mester worde haci bao di awa! Un contratista local a haya e trabao di haci fondo di un canal limpi. Pesey, trahadornan mester bay como 4 ora of mas bao di awa, y haci e fondo limpi usando un pomp special.

E problema principal ta cu mayoria di e trahadornan cu a worde "manda" pa haci e tra-

bao aki, ta metsla! Nan no ta scuba-diver at all!

Nan a djis haya algun instruccion con pa traha cu aqualong, y asina a bay haci e trabao ey. Pa colmo, den e fondo di canal tin un sorto di santo preto, cu ta keda pega den bo cabey y na bo cuero sin misericordia.

E contratista aparentemente ta exige pa e trahadornan keda 8 ora largo bao di awa ta

haciendo e trabao, pero esaki a ricibi algun resistencia.

"Mayoria di e trahadornan cu ta bay bao di awa pa haci e trabao duro ey, ta stranhero. Nan tin miedo di reclama, debi na represaya," un fuente a splica DIARIO.

Mientras tanto, Departamento di Labor como tambe Departamento di Inspeccion Tecnico a worde

poni na altura di tur esaki, y nan lo bay check un que otro.

Te asina leu cu DIARIO sa, normalmente ta contratis-tanan experto di scuba-divers (e.o. Peters Divers) ta esnan cu ta worde usa pa haci trabao bao di superficie di laman. E speranza tey cu e contratista haci su best pa seguridad di e trahadornan ta garantiza.

ESAKI TA GOOFY DUCK Y NO DONALD DUCK!!

